

我有林泉興君無補缺心一方聖境理幽深物外結知音
還到春時圓備合是全真一會功成行滿待他年攜手上雲天

龍陽觀九日

白酒寬懷抱黃花噴鼻香此般真味慶重陽性月自圓方
山後三秋無別幽檻幾叢開徹兩軒各各鬪芳鮮雅勝洞中天

勸世

道顯清虛妙釋明智慧深仲尼仁義古通今三聖一般心不
認忘名默悟只解分門別戶一朝合眼見前程悔憾不圓成

卜居西關好山萬疊河在其中曲迴上下不啻二三十里
渾水波濤兩岸桑麻映日人善地僻可爲冬焉之計自號

道藏輯要

葆光集

癸

川上上二

日養老庵以小詞寄之耳

萬疊山橫翠千盤河曲長居民安土樂農桑流水落花香卜
此安居養老一任形枯心槁不搖不動寄殘年何處覓神仙

題通仙觀

列翠峯巒秀仙都氣象清三陽端正玉齋形一氣自天成萬
疊雲山深處別是洞天幽圃何人能得久閑居清靜樂無餘

催衲襖

昨夜西風緊今朝秋意深道人雖則是降心寒暑亦難禁衲
襖宜教寬大且要書披夜蓋一衣猶恐不銷任此外更何尋

龍門川溪水同翟老賞